

объеждаемъ и в руках богатых взираем, разным образом ласкающе их и раболепне угаждающе им, даже и возможемъ прияти у них ⁴⁹ или деревнишко, или сребришко.⁵⁰

Господь повелевает: «И даждь я нищим».³ Мы же единаче сребролюбием и несытоию победеныи, живущаа братиа || наша убогиа в селех наших ⁵¹ различным образом ⁵² оскорбляем их, истязанми неправедными обидяще их,⁵³ и лесть на лесть и лихву на лихву на них налагающе, милость же нигде же к ним показуем,⁵⁴ их же егда не возмогутъ отдати лихвы, от имений их обнажихом без милости, коровку их и лошадку отъемше, самех же с женами и детми далече от своих предел, аки скверных, отгнахом; неких же и княжеской ⁵⁵ власти предавше, истреблению конечному подложихом. И иже повелены есме и своа нищим роздати, даже съвршении в добродетели будем, мы же, акы своа душа возненавидяще и аки противу заповедей господьских ополчающеся, обидим и грабим, продаваем христиааний, наших братий, и бичем их истязуем без милости, аки звери дивии на телеса их скакающе.⁵⁶

Господь рече: «Продаждь своа, и даждь а нищим».⁴ Мы же от многого безумиа, наипаче же безчеловечиа, имения нищих ⁵⁷ емлюще, в прях и угрожениях изнуряем я. Суть же иже и сановная предстательства сими пристежавают, ⁵⁸ ино и ⁵⁹ сие безаконие ⁶⁰ прикупующе, || и яко же Симон волхв куплею непродаемую ⁶¹ духа благодать себе усваяюще, им же всяко приличествуе еже от апостола к Симану отвецание, да не глаголю и горше его; занеже не равен грех ⁶² есть еже съгрешати преже иных казниа и еже съгрешати по казании иных. Оле вещи скверности! Инокы, иже свет быти и соль земли от господа повелеваемы и деланием, сиречь апостольских добродетелей, сии своих обетований забывше и всяко благоговеньство отвергыше, и от своих обителей, в старости уже седей встающеся,⁶³ в мирских судилищах обращаются, или с убогими человекеы прещася о заимьдании многолихвных, или судящеся с суседы своими о предех своих мест и сел. И блаженный убо Павел, коринфанех укораа и мирским сущим, яко отинудь суды имеютъ между собою, и зане не сами паче обидимом ⁶⁴ быти произволяют, но оны обидят и лишают братий своих, «или не весте, рече, яко обидливы царствие небесное не наследят».^к А инокы, иже во ангельское житие достигнути обещащеся и свет миряном || быти хвалящеся, единою ⁶⁵ уши заткнувше противу евангалских и апостольских заповедей,⁶⁶ ни елико Павел миряном повелевает хранить, ⁶⁷ произволяют съблюдати.⁶⁸ Кто о сих не восплачется? Кто не ризы своа раздерет толику мглу ⁶⁹ и омрачение зря влианых в разумех наших? Егда разумейте, яко праведне рыдаем вас и по правде обличаем вас, и яко от духовныа любве и утроб братолюбивых, а не от гордости и ненависти укаряем вас, якоже вы недобре о нас непшуйте.

Господь рече: «И даждь а нищим, и прииди, и последуй ми».⁴ Услышим, что глаголетъ: «Не довлеет нам, рече, имений продание и раздание токмо во спасение, но и последовати Спасу нужна нам належит». Что к сим глаголем, презирателие заповедей господьских? ⁷⁰ Да разумеем и ужаснемся,

³ Матф. 19. 21. ⁴ Матф. 19. 21. * 1 Кор. 6. 9. ⁴ Матф. 19. 21.
⁴⁹⁻⁵⁰ ли село, или деревнишко, или сребро, или некое что от животных $C_1C_2C_3$.
⁵¹⁻⁵² различными образами $C_1C_2C_3$. ⁵³ Так $C_1C_2C_3$; в ркп. обидящих. ⁵⁴ показующе $C_1C_2C_3$. ⁵⁵ Так $C_1C_2C_3$; в ркп. князьных. ⁵⁶ наскакающе $C_1C_2C_3$.
⁵⁷ Доб. лихоиманием $C_1C_2C_3$. ⁵⁸⁻⁵⁹ и иное $C_1C_2C_3$. ⁶⁰ Доб. себе $C_1C_2C_3$.
⁶¹ Так $C_1C_2C_3$; в ркп. непроданною. ⁶² Доб. из $C_1C_2C_3$. ⁶³ встающе $C_1C_2C_3$.
⁶⁴ Доб. или лишаемом $C_1C_2C_3$. ⁶⁵ Нет $C_1C_2C_3$. ⁶⁶ заповедей $C_1C_2C_3$.
⁶⁷⁻⁶⁸ съхраняют $C_1C_2C_3$. ⁶⁹ Так $C_1C_2C_3$; в ркп. многу. ⁷⁰ господних $C_1C_2C_3$.